



**DEPUTACIÓN PROVINCIAL
A CORUÑA**

SERVIZO DE PATRIMONIO E CONTRATACIÓN

Número 30 /2019

XII.- INCORPORACIÓN AO REXISTRO PÚBLICO DE SUBVENCÍONS E PUBLICACIÓN DA SUBVENCIÓN CONCEDIDA.

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación do Concello de Ames serán remiti-das á Intervención xeral do Estado, para que sexan incorporados á Base de Datos Nacional de Subven-cións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 3/2018 de 5 de decembro, de Protección de Datos Persoais e garantía dos dereitos dixitais. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Con-sellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.
2. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención ao Concello de Ames será publicada no Boletín Oficial da Provincia da Coruña e na páxina web www.dacoruna.gal
3. Un exemplar deste convenio, debidamente asinado, será incorporado ao Rexistro de convenios que de-pende do Servizo de Contratación da Deputación.

XIII.- VIXENCIA DO CONVENIO, PRÓRROGA OU MODIFICACIÓN

1. O presente convenio de cooperación producirá efectos dende a data da súa sinatura e conservará a súa vixencia ata o día **31 de decembro de 2021**. Dado que a existencia deste convenio se estende a exerci-cios futuros, a súa aprobación queda condicionada á existencia de crédito adecuado e suficiente no exer-cicio orzamentario correspondente e ao cumprimento dos obxectivos da Lei de estabilidade orzamentaria.
2. De acordo co establecido na cláusula SÉTIMA do presente convenio, unha vez finalizado o prazo de vi-xencia sen que se presentase a xustificación, a unidade xestora requirirá ao Concello de Ames para que presente a documentación no prazo improrrogable de QUINCE DÍAS. De non presentarse no devandito prazo, o convenio quedará definitivamente extinguido, comportará a perda do dereito ao cobramento da subvención e implicará a iniciación do expediente de reintegro, no seu caso, do anticipo percibido máis os correspondentes xuros de mora.
3. Tamén, por acordo expreso de ambas as dúas partes e previos os informes da Unidade Xestora, do Ser-vizo de Patrimonio e Contratación, da Secretaría e da Intervención da Deputación, o convenio poderá ser obxecto de modificación. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

XIV.- NATUREZA, INTERPRETACIÓN, MODIFICACIÓN E XURISDICCION COMPETENTE

O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Sub-vencións, e na Lei 9/2007, de 13 de xuño, de Subvencións de Galicia. Supletoriamente aplicárase a legisla-ción de contratos do sector público.

Para o seguimento coordinado da execución do presente convenio creárase unha comisión de seguimento formada por dous representantes de cada unha das institucións nomeados polo presidente da Deputación e o do Concello de Ames, respectivamente.

Corresponderalle aos órganos da xurisdición contencioso-administrativa, segundo a distribución de compe-tencias disposta na Lei 29/1998, do 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado polo Pleno da Corporación do día 29 de marzo de 2019.

E, en proba de conformidade, as partes comparecentes asinan en exemplar cuadruplicado o presente convenio, no lugar e data indicados no encabezamento.

O PRESIDENTE DA DEPUTACIÓN PROVINCIAL

**A ALCALDE- PRESIDENTE DO CONCELLO DE
AMES**

Asdo.: Valentín González Formoso

Asdo.: D. José Manuel Miñones

**A SECRETARIA ACCTAL.,
DA DEPUTACIÓN PROVINCIAL DA CORUÑA**

Asdo. M^a Amparo C. Taboada Gil

CONVENIO INTERADMINISTRATIVO DE COOPERACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE AMES PARA FINANCIAR O PROXECTO “ADQUISICIÓN DUN BEN INMOBLE PARA O SEU USO COMO ESPAZO DE TRABALLO COLABORATIVO (COWORKING)”, NO MARCO DO PLAN DE EMPREGO LOCAL DA DEPUTACIÓN DA CORUÑA (PEL) 2016- 2019

Na Coruña, a 5 de abril de 2019

REUNIDOS

Dunha parte o Excmo. Sr. Valentín González Formoso Presidente da Excma. Deputación Provincial da Coruña,

Doutra parte D. José Manuel Miñones, Alcalde Presidente do Concello de Ames.

Os comparecentes interveñen en uso das facultades que, por razón dos seus cargos, estanlles atribuídas

MANIFESTAN

Son competencias propias da Deputación Provincial de A Coruña, en virtude do establecido no artigo 36 da Lei 7/1985, de 2 de abril, de Bases do Réxime Local, a asistencia e cooperación xurídica, económica e técnica aos Mu-nicipios, especialmente os de menor capacidade económica e de xestión.

A estes efectos, a Deputación asegura o acceso da poboación da provincia ao conxunto dos servizos mínimos de competencia municipal e á maior eficacia e economía na prestación destes mediante fórmulas de asistencia e co-operación municipal. Con esta finalidade, a Deputación poderá outorgar subvencións e axudas con cargo aos seus recursos propios para a adquisición de inmobles para destinalos ao seu interese público.

Así mesmo, o Municipio, para a xestión dos seus intereses e no ámbito das súas competencias, pode promover ac-tividades e prestar servizos públicos que contribúan a satisfacer as necesidades e aspiracións da comunidade veci-ñal nos termos previstos no artigo 25 da Lei 7/1985, de abril, de Bases do Réxime Local.

Neste sentido, a Excma. Deputación provincial da Coruña e o Concello de Ames consideran de gran interese para a provincia potenciar a cultura emprendedora e o desenvolvemento de novos proxectos empresariais, a través de for-mación e titorización das persoas que os promovan. Ambas partes estiman necesario avanzar no desenvolvemento de medidas de apoio e impulso que contribúan a promover o traballo por conta propia, o espírito emprendedor e a creación de empresas.

A Deputación Provincial da Coruña está a xestionar no presente mandato o Plan de Emprego Local (PEL) 2016-2019 como instrumento fundamental da estratexia provincial polo emprego e o Concello de Ames conta con medios precisos para implementar xunto coa Deputación, unha política activa de apoio ao emprendemento na provincia da Coruña.

Dado ado o interese coincidente da Deputación da Coruña e do Concello de Ames en promover o sector do em-prendemento e de establecer medidas efectivas de loita contra o desemprego, amabas as dúas partes

ACORDAN

Formalizar o presente CONVENIO INTERADMINISTRATIVO DE COOPERACIÓN conforme ás seguintes cláusulas:

I.- OBXECTO

O presente convenio interadministrativo de cooperación ten por obxecto a fixación das bases de outorgamento du-nha subvención nominativa por esta Deputación a prol do Concello de Ames, , CIF **P15002001**, fixando as condi-cións que se impoñen por esta administración concedente e os compromisos asumidos pola entidade beneficiaria para o financiamento do proxecto “Adquisición dun ben inmovible para o seu uso como espazo de traballo colaborati-vo (coworking)”

II.- ORZAMENTO PARA A ADQUISICION

Segundo a información do Concello de Ames, o orzamento máximo para a adquisición do ben ascende a **564.879,06 euros**.

III.- FINANCIAMENTO PROVINCIAL E OUTROS INGRESOS QUE SE OBTENÁN OU APORTEN PARA A MESMA FINALIDADE

1. A Deputación da Coruña contribuirá ao financiamento da adquisición, tal como se define na cláusula ante-rior, cunha achega máxima de **200.000,00€**, o que representa unha porcentaxe do **35,40581%** do custo do proxecto.
2. No caso de que o gasto total xustificado e a suma dos pagos parciais ao rematar o derradeiro prazo de aprazamento no pago do prezo non acadase o importe total previsto na cláusula SEGUNDA, ou se produ-cira a resolución do contrato de compravenda polo impago dalgún ou de todos os pagos parciais apraza-dos, a Deputación entenderá que a finalidade básica da subvención non foi cumprida e perderase o derei-to ao cobro da mesma e porén procederá o reintegro da totalidade da achega provincial nos termos pre-vistos na cláusula undécima.
3. A Deputación provincial financiará exclusivamente os gastos derivados da adquisición do ben inmovible e, xa que logo, non serán subvencionables os gastos notariais, honorarios periciais, rexistrals, nin de finan-ciamiento polo período aprazado.

4. O importe do financiamento provincial farase efectivo con cargo á aplicación orzamentaria 0510/24100/76201, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.
5. A subvención da Deputación é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificad.
6. No caso de que a concorrencia de axudas ou subvencións supere o importe do gasto efectivamente xustificad, minorarase a achega provincial no importe necesario para darlle estrito cumprimento ao apartado anterior.

IV.- CONTRATACIÓN E EXECUCIÓN

1. O Concello de Ames, para a adquisición do ben inmoible, haberá de seguir o procedemento aberto, aos efectos de garantir que a mesma se axusta aos principios de liberdade de acceso ás licitacións, publicidade e transparencia dos procedementos, e non discriminación e igualdade de trato entre os licitadores, recollidos no artigo 1 da Lei 9/2017, do 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.
2. O Concello de Ames deberá acreditar o cumprimento do previsto no artigo 116 da Lei do patrimonio das Administracións públicas (LPAP), Lei 33/2003, do 3 de novembro e nos artigos 102.3 sobre o prezo do contrato e artigo 115 dos estudos de mercado co asesoramento de terceiros expertos independentes da Lei de contratos do sector público de 2017 (LCSP), Lei 9/2017, do 8 de novembro.
3. Na súa condición de adquirente, corresponderalle ao concello de Ames o outorgamento do correspondente contrato de compravenda. Non se poderá contratar a dita adquisición con persoas ou entidades vinculadas ao Concello de Ames, nin con calquera outra que concorran nalgunha das circunstancias ás que se refire o artigo 29.7 da Lei 38/2003, de 17 de novembro, Xeral de subvencións (LXS).

V.- PUBLICIDADE DO FINANCIAMENTO PROVINCIAL

1. Na escritura de compravenda que se outorgue para a adquisición do ben inmoible, farase constar o importe do financiamento provincial.
2. Adquirido o ben, o Concello de Ames deberá colocar unha placa en lugar visible na que se deixe constancia da data de adquisición e do financiamento provincial. O texto estará redactado en galego.
3. Asemade, a entidade beneficiaria deberá cumprir coas obrigas de información que lle impón a Lei 19/2013, de 9 de decembro, de Transparencia, acceso a información pública e bo goberno, dándolle publicidade a este convenio no Portal de Transparencia da súa páxina web.

VI.- A XUSTIFICACIÓN NECESARIA PARA RECIBIR A ACHEGA PROVINCIAL

1. Coa posibilidade prevista nas Bases 57ª e 58ª das de execución do Orzamento para o ano 2019, ata o **40 por cento** da achega da Deputación ten carácter prepagable, de xeito que se procederá a expedir un primeiro pagamento a prol do Concello de Ames pola contía resultante de aplicar dita porcentaxe sobre o importe de adxudicación da compravenda do inmoible, unha vez que se achegue ao expediente a seguinte documentación (só admisible por medio electrónicos a través do aplicativo SUBTEL):
 - A. Certificación do acordo polo que se aproba a adquisición do ben inmoible, expedida polo órgano competente, acompañada da seguinte documentación:
 - Descrición física e xurídica do ben.
 - Identificación do titular ou titulares coa cuota que lles corresponda a cada un deles.
 - Valoración pericial.
 - Aceptación dos propietarios do valor que se lles asigne.
 - Determinación da data para a elevación á escritura pública.
 - B. Acreditación do cumprimento das obrigas tributarias e coa Seguridade Social, segundo o disposto na cláusula OITAVA.
 - C. Certificación expedida polo órgano responsable da contabilidade das axudas e outros ingresos afectados á mesma finalidade ou obxecto desta subvención.
 - D. Acreditación do cumprimento do establecido na cláusula CUARTA en relación á aplicación do procedemento de contratación aberto para a adquisición do ben inmoible.
 - E. Informe da Intervención municipal de que os custes de financiación da compra aprazada do inmoible están a cumprir o principio de prudencia financeira previsto no artigo 48 bis do texto refundido da Lei de facendas locais (Real decreto legislativo 2/2004, do 5 de marzo) e demais normas de desenrolo da mesma
2. Adquirido o ben, procederase ao abono do **60 por cento** restante, unha vez que se presente ou conste na Deputación provincial a seguinte documentación (en orixinal ou copia compulsada):
 - A. Copia da escritura pública de adquisición na que constará o importe do financiamento provincial.
 - B. Certificación do acordo da incorporación do ben ao inventario de bens do Concello de Ames, facendo constar nos correspondentes asentos que o ben queda afectado á finalidade pública para a que foi concedida a subvención alomenos durante un prazo de dez anos.
 - C. Acreditación do cumprimento das obrigas tributarias e coa Seguridade Social, segundo o disposto na cláusula OITAVA
 - D. Certificación expedida polo órgano responsable da contabilidade das axudas e outros ingresos afectado á mesma finalidade ou obxecto da subvención.
 - E. Acreditación do cumprimento das obrigas de publicidade previstas na cláusula QUINTA (mediante a presentación de fotografías dilixenciadas no reverso)
 - F. O Concello de Ames deberá acreditar o pago efectivo aos terceiros do importe aboado co primeiro pago prepagable.
3. O aboamento da contía restante da subvención materializarase mediante ingreso na conta da entidade financeira indicada polo Concello de Ames na documentación achegada. E se tiveran transcorrido máis de catro meses dende a axetada e correcta xustificación dos compromisos adquiridos sen que tivera cobrado o importe que lle correspondía, a entidade beneficiaria terá dereito ao abono dos xuros de demora, ao tipo de xuro legal, que se perciba, dende a finalización do prazo de catro meses ata o momento no que se faga efectivo o pagamento.
4. O Concello de Ames deberá acreditar ter aboado aos terceiros o importe xustificad do 100% no prazo máximo dun mes dende a recepción dos fondos que constitúen o segundo pagamento, así como a aplica-

ción dos fondos á finalidade prevista no presente convenio. Esta obriga será acreditada polo Concello de Ames, no prazo máximo de un mes dende a recepción dos fondos provinciais

VII. TERMO PARA A ADQUISICIÓN E PRAZO DE XUSTIFICACIÓN

1. A adquisición do ben que é obxecto de financiamento provincial, tal como se describe na cláusula PRIMEIRA, deberá estar formalizada mediante escritura pública no prazo dun ano contado a partir da data de sinatura do presente convenio.
2. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento ao Concello de Ames para que a presente no prazo improrrogable de QUINCE DÍAS.
3. A falla de xustificación da subvención neste prazo excepcional implicará a perda da subvención e demais responsabilidades previstas neste convenio e na lexislación aplicable ao respecto, tal e como se indica na cláusula XIII. Aínda así, a presentación da xustificación neste prazo adicional non eximirá ao Concello de Ames da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

VIII.- CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN

1. O Concello de Ames deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.
2. A acreditación do cumprimento de ditas obrigas poderá realizarse mediante a presentación dos correspondentes certificados ou ben autorizando á Deputación a que obteña telemáticamente os correspondentes certificados.

A acreditación do cumprimento das obrigas tributarias coa Deputación Provincial será determinada por esta de oficio.

IX.- DESTINO E MANEXO DOS FONDOS RECIBIDOS

1. O Concello de Ames destinará os fondos recibidos ao pagamento dos xustificantes de gasto presentados.
2. Co fin de garantir un axeitado control da aplicación dos fondos, o pagamento deberá quedar acreditado documentalmentemente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do receptor.

X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.

1. Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, o Concello de Ames poderá ser escollido pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio interadministrativo de cooperación.
2. Asemade, de acordo co previsto na lei 6/1985, de 24 de xuño, do Consello de Contas de Galicia, o Concello de Ames queda sometido aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuiamento contable que poida incoar o Tribunal de Contas, e a calquera outro órgano de control, nacional ou europeo.

XI.- REINTEGRO, INFRACCIÓN E SANCIÓN.

1. O incumprimento dalgunha das cláusulas previstas no presente convenio interadministrativo de cooperación poderá dar lugar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguirase o disposto nos artigos 41 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.
2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.
3. Para os supostos de retraso na realización das actividades ou retraso na presentación da xustificación se estar ao disposto na ordenanza provincial de desenvolvemento que resulte aplicable.